


1624_877.jpg



Histoire de nostre temps.

877

Voylà leurs diuerses demandes, desquelles la Majesté en ayant eu aduis, elle donna vne entiere direction de ceste affaire audit sieur Comte de Carmaing, lequel disposa les habitants de Pamiez d'enuoyer le sieur du Prat avec deux autres Depurez à Beziers vers lesdits sieurs Presidents, de Caminades, & de Vignoles, les prier de se transporter à Pamiez pour mettre en execution l'Arrest du Consulat.

Lesdits sieurs Commissaires estans donc venus à Pamiez au mois de Feurier de l'an 1625. où le Comte de Carmaing estoit; Les Consuls furent creéz my-partis suiuant l'Arrest, & en suite le my-partiment des clefs fut executé à la requisition des Catholiques.

On esleut le premier Consul de la Religion Catholique: Les Ecclesiastiques furent remis en leurs biés: Les clochers & cloches leur furent renduës: Le seruice Diuin restably: Les places des Conseillers du Conseil de Ville vacantes par mort furent remplies de Catholique, le tout conformement & au desir de l'Arrest du Conseil, & volonté du Roy.

Deux iours apres le Comte de Carmaing fist faire vne Procession generale dans Pamiez, en laquelle assisterent l'Euesque, tout le Clergé, & les nouueaux Consuls Catholiques; & apres le seruice diuin faict, on fit chanter le *Te Deum laudamus*, &c.

Le sieur de Boissiere ayant apporté la nouvelle au Roy de tout ce que dessus, elle luy plut grandement, & à Messieurs du Conseil,

1624_878.jpg




Image issue du site mercurefrancois.ehess.fr - Cliché (c) Cécile Soudan